

Комсомолонь Вайгяль

ЛИСЕНДИ VII-це КИЗОСЬ

ВЛКСМ-нь Мордовская
обкомть и Саранская
горкомть газетасна.Адрессь: г. Саранск, Советская ул.,
Дом печати, телефон № 0—90.

Сентябрь

3-це ШИСТОНЗА
1939 КИЗОНЯ
123 (1607) №

Лисенди новти 12-ксть.

СССР-нь Верховнай Советть 1-це созывонь внеочередной Нилеце Сессияц

Союзонь Советть 1939
кизонь августть 29-це
шистонза заседанияц
колга информационнай
сообщения

Августть 29-це шистонза, илять
6 частста, СССР-нь Верховнай Со-
ветть заседанияц залсонза, Крем-
ляса, ульсь Союзонь Советть ом-
боце заседанияц.

Председательствовандай — Сою-
зонь Советть председателец депу-
татсь А. А. Андреев.

Шинь порядкаса—сельскохозяй-
ственной налогонь Законть проек-
тонц колга докладть коряс пре-
ниятне.

Пренияса корхтасть депутаттне
Ш. Г. Абсалямов (Чистопольский
округ, Татарский АССР), Г. П.
Бутенко (Красноградский округ,
Харьковский область), А. П. Бата-
лин (Пензенский городской округ,
Пензенский область), В. В. Верен-
дякин. (Лукояновский округ, Горь-
ковский область), Н. Я. Наталевич
(Слуцкий округ, БССР), И. П.
Кириллов (Сызранский сельский
округ, Куйбышевский область) и
А. Кенжегараев (Актюбинский
округ, Казахский ССР).

Прениятнень аделамдост меле
Союзонь Советсь кулхондоме до-
кладчикть — СССР-нь Финансонь
Народнай Комиссарть А. Г. Зверев
ялгать заключительнай валонц.

Депутатть Н. Г. Игнатовть
предложенияц коряс Союзонь
Советсь единогласна примси по-
становления—сельскохозяйственной
налогть колга Законть проектонц,
конань максозе СССР-нь Наро-
днай Комиссаронь Советсь, основ-
нойста примамс. Кочкамс петькс-
нень ваномс и Союзонь Советти
кемокстаманди Законть оконча-
тельной текстонц максомс комис-
сия. Сяда меле Союзонь Советсь
кемоксни комиссиянь тяфтама сос-
тав: председательсь—М. Д. Баги-
ров, комиссиянь четтне — Ш. Г.
Абсалямов, Т. Аринова, Ю. Ахун-
бабаев, А. Е. Бадаев, А. П. Бата-
лин, И. С. Богданов, Г. П. Бутен-
ко, Ф. П. Быков, А. А. Ведерни-
ков, В. В. Верендякин, М. Ф.
Власенко, Н. А. Вознесенский,
А. А. Волков, М. А. Волков, А. Я.
Вышинский, И. А. Дешко, Н. Е.
Егоров, А. Г. Зверев, Г. С. Зимин,
Г. И. Игнатьев, И. П. Кириллов,
Ф. Н. Клименко, Ф. И. Колесов,
П. Т. Комаров, М. С. Кондратен-
ко, Е. Ф. Коновалов, Д. С. Корот-
ченко, Г. Ф. Кочуров, А. М.
Краснов, Ф. В. Маликов, Ф. Е.
Махарадзе, Р. Е. Мельников,
Н. Я. Наталевич, П. И. Нем-
ченко, В. Г. Олейников, А. И.
Пеньков, Ф. И. Поляков, М. С.
Саберов, П. В. Соляков, С. Н.
Тарасов, А. В. Тронин, А. Ху-
даев, Ф. В. Шагимарданов.

Сяда меле депутатть З. А. Андре-
евать предложенияц коряс
Союзонь Советсь примси постано-
вления—Сессиянь шинь порядкать
омбоце кизефксонц коряс—всеоб-
щай воинский обязанностень За-
конть проектонц колга докладть
кулхондоме Союзонь Советть и
Национальностень Советть мар-
стонь заседанияц, а докладть
обсужденияц башка палататнень
эса—Союзонь Советса и Нацио-
нальностень Советса.

Тянь мархта Союзонь Советть
внеочередной Нилеце Сессияц
омбоце заседанияц сьолгондови.



Августть 28-це шистонза илять Союзонь Советть и Национальностень Советть марстонь
заседаниясост.

СНИМКАСА: СССР-нь Верховнай Советть Президиумонц ложасонза. Види ширде кержи
шири: А. А. Жданов, Г. М. Маленков, И. В. Сталин, Хивали Бабаев, С. М. Буденный, А. Е. Ба-
даев, К. И. Николаева и С. К. Тимошенко ялгатне.

Фотось Ф. Кисловть и А. Грибовскийть (ТАСС-ть фотохроникац).

Национальностень Советть 1939 кизонь августть 29-це шистонза заседанияц колга информационнай сообщения

Августть 29-це шистонза, шоб-
дава 11 частста, СССР-нь Верхов-
най Советть заседанияц залсонза,
Кремляса, ульсь Национальностень
Советть омбоце заседанияц.

Председательствует — Нацио-
нальностень Советть председате-
лец депутатсь Н. М. Шверник.

Шинь порядкаса—сельскохоз-
яйственной налогонь Законть проек-
тонц колга докладть коряс пре-
ниятне.

Пренияса корхтасть депутаттне
М. В. Кулагин (Слуцкий округ, БССР), А. Н. Линник
(Сумский округ, УССР), Т. А. Кон-
стантинов (Слободзейский округ,
Молдавский АССР), А. Б. Бердыев
(Тахтинский округ, Туркмен-
ский ССР), Г. Ф. Стуруа (Батум-
ский округ, Грузинский ССР), О. Т.
Харитонов (Батыревский округ,
Чувашский АССР) и А. Х. Мен-
бариев (Ялтинский округ, Крым-
ский АССР).

Прениятнень аделамда меле На-
циональностень Советсь кулхон-
доме заключительнай валонц док-
ладчикть—СССР-нь Финансонь На-
роднай Комиссарть А. Г. Зверев
ялгать.

Депутатть Н. А. Воротниковть
предложенияц коряс Националь-
ностень Советсь единогласна прим-
си постановления—сельскохозяй-
ственной налогонь Законть колга
проектть, конань максозе СССР-нь
Народнай Комиссаронь Советсь,
основнойста примамс. Кочкамс
петькснень ваномс и Националь-
ностень Советти кемокстаманди
законть окончательнай текстонц
максомс комиссия. Тяда меле На-
циональностень Советсь кемок-
сны комиссиянь тяфтама состав-
са: председательсь М. А. Бурмис-
тенко, комиссиять членонза—С.
Атлиев, М. Авезова, М. Д. Беги-
ретов, И. А. Бенедиктов, А. Б.
Бердыев, Е. Ф. Будина, Н. А.
Булганин, В. Н. Богданов, М. С.
Боталова, К. П. Власенко, В. Г.
Ванев, Е. М. Глысток, Ш. Д.
Дачаев, Ю. Давлет'Яров, А. А.
Денинг, А. М. Думбадзе, Б. Ерме-
ков, Н. А. Елисеев, Л. ф. Ернов,
К. Г. Исмаилов, Т. Ибрагимов,
Р. К. Ибрагимов, Т. А. Констан-
тинов, А. Казакпаев, М. В. Кула-
гин, С. Кайназарова, А. Н. Лин-
ник, Б. Т. Манджиева, Д. Ф.
Маркин, А. Х. Менбариев, В. С.

Мусинский, М. П. Панян, В. В.
Пушкин, М. Е. Печказова, Г. Ф.
Стуруа, Д. С. Сулиманов, И. К.
Темиров, П. А. Тюркин, Д. Н.
Федченко, О. Т. Харитонов, И.
С. Хохлов, В. И. Хубаев, М. Ш.
Чотчаев, Г. Г. Шартава, Г. Ш.
Шамшутдинов, П. М. Ясь-
кин.

Тяда меле депутатть М. А. Чем-
булатовть предложенияц коряс
Национальностень Советсь примси
постановления—Сессиянь шинь по-
рядкастонза омбоце кизефксть
колга докладть „Всеобщай воинский
повинностень Законть проектонц
колга“ кулхондоме Националь-
ностень Советть и Союзонь Со-
ветть марстонь заседаниясост, а
докладть обсужденияц йотаф-
томс башка Палататнень эза—
Союзонь Советса и Националь-
ностень Советса.

Тянь мархта Национальностень
Советть внеочередной Нилеце
Сессияц омбоце заседанияц сьол-
говсь.

Союзонь Советть и Национальностень Советть 1939 кизонь августть 31-це шистонза марстонь заседаниясост колга информационнай сообщения

Августть 31-це шистонза, 1
частста шить СССР-нь Верховнай
Советть заседанияц залсонза,
Кремляса, ульсь Союзонь Советть
и Национальностень Советть ом-
боце марстонь заседаниясост.

Председательствовандай—Нацио-
нальностень Советть председате-
лец депутатсь Н. М. Шверник.

СССР-нь Верховнай Советть

внеочередной Нилеце Сессияц
шинь порядканц омбоце кизефк-
сонц коряс—всеобщай воинский
обязанностень Законть проектонц
колга докладть мархта выступил
ламос моли овацияса васьфтьф
СССР-нь Оборонань Народнай
Комиссарсь К. Е. Ворошилов
ялгась.

К. Е. Ворошилов ялгать док-

ладонц аделамда меле СССР-нь
Верховнай Советсьлатци Сессиянь
сяда товолдонь работанцты по-
рядка, конана меле председате-
ствующайсь Н. М. Шверник ялгась
азондсы Союзонь Советть и Нацио-
нальностнень Советть марстонь
омбоце заседаниясост сьолфон-
ди.

СССР-нь Верховнай Советть 1-це созивонь внеочередной Нилеце Сессияц

1939 кизонь августь 31-це шистонза Союзонь Советть заседанинц колга информационной сообщения

Августь 31-це шистонза шить 2 частста 45 минутаста, СССР-нь Верховнай Советть заседанинц залсонза, Кремляса, ульсь Союзонь Советть колмоце заседанинц.

Председательствондай—Союзонь Советть Председателец Заместителец депутатъ Т. Д. Лысенко.

Шинь порядкаса—всеобщай воинский обязанность Законть проектонц колга докладть коряс пренияне.

Пренияса корхтасть депутатне Б. А. Двинский (Ростовский областень Таганрогский округста), К. Ф. Сахарова (Ивановский областень Кинешемский округста), Д. Я. Новицкий (БССР-нь Оршанский округста), Е. В. Катаева (Куйбышевский областень Мелекесский округста), В. Д. Богданов (Ленинградский областень Красногвардейский округста) и Е. М. Кожушана (Винницкий областень Гайсинский округста).

Депутатъ Кожушанонь речта меле пренияне лоткасть. Председательствующайсь депутатъ Т. Д. Лысенко азонкшнесы, што сяс мес депутатне единодушна шназь докладть и законть максф проектонц, Оборонань Народнай Комиссарсь К. Е. Ворошилов ялгасть заключительнай валда отказась.

Депутатъ А. А. Кузнецовонь

предложениянц коряс Союзонь Советть единогласна примси постановления—всеобщай воинский обязанность колга Законть проектть, конань енес СССР-нь Народнай Комиссаронь Советсь, основноиста примамс. Кочкамс комиссия законть окончательнай текстонц петьксенень ванондомс и Союзонь Советти максомс кемокстамс. Тяка мельге Союзонь Советсь кемокстась комиссияти тяфтама состав: председательсь—Д. С. Коротченко, комиссиянч четтне—И. В. Алексеенко, А. М. Алемасов, З. А. Андреева, М. А. Антипов, Ю. Ахунбабаев, А. А. Байков, А. В. Беляков, В. Д. Богданов, С. М. Буденный, К. Е. Ворошилов, Е. А. Гоноблева, С. А. Данилин, Б. А. Двинский, М. Г. Ефремов, А. А. Жданов, И. С. Исаков, Е. В. Катаева, Е. М. Кожушана, А. А. Кузнецов, Н. Г. Кузнецов, Г. И. Кулик, А. Д. Локтионов, Г. М. Маленков, Л. З. Мехлис, П. И. Немченко, Д. Я. Новицкий, Д. Г. Павлов, К. Ф. Сахарова, Н. С. Хрушев, Б. М. Шапошников, П. П. Ширшов, Е. А. Шаденко, А. С. Щербаков, Д. С. Юдин.

Союзонь Советть внеочередной Нилеце Сессиянц колмоце заседанинц тянь мархта сьолговсь.

1939 кизонь августь 31-це шистонза Национальностень Советть заседанинц колга информационной сообщения

Августь 31-це шистонза, 5 частста шить, СССР-нь Верховнай Советть заседанинц залсонза, Кремляса, ульсь Национальностень Советть колмоце заседанинц.

Председательствондай—Национальностень Советть председателец депутатъ Н. М. Шверник.

Шинь порядкаса—всеобщай воинский обязанность колга докладть коряс пренияне.

Пренияса корхтасть депутатне А. Казахстаев (Акмолинский округ, Казахская ССР), А. А. Хорава (Гегечкорский округ, Грузинская ССР), М. Т. Якубов (Багимский ошень округ, Азербайджанская ССР), Ш. М. Арушанян (Микояновский округ, Армянская ССР) и В. С. Мусинский (Северный округ, РСФСР).

Депутатъ Мусинский речтонза меле пренияне лоткасть. Национальностень Советть председателец депутатъ Н. М. Шверник азонкшнесы, што депутатнень ширде докладть и максф законть проектонц фья лаца шнамандлангс ваномок, Оборонань Народнай Комиссарсь К. Е. Ворошилов ялгасть заключительнай валть эзда отказакшни.

Депутатъ Д. Ф. Маркинть предложениянц коряс Национальностень Советсь фья мяльса примси

постановления—всеобщай воинский обязанность колга законть проект, конань максоме СССР-нь Народнай Комиссаронь Советсь, основноиста примамс. Петьксонь тиес и Национальностень Советти кемокстамс Законть окончательнай текстонц максоманд инкса кочкамс комиссия. Тяда меле Национальностень Советсь кемокшнесы комиссияти тяфтама состав: председательсь П. А. Тюркин, комиссиянч членонза—Ш. М. Арушанян, Т. Алдабергенев, Х. Артыков, Г. Ф. Байдуков, К. Е. Ворошилов, В. А. Вахашкин, Н. Л. Гаряев, М. В. Горбачев, С. П. Денисов, Н. Н. Дубинин, А. В. Ермак, А. С. Исмаилов, Н. Г. Кузнецов, Г. А. Каркарян, П. Ф. Кривонос, П. Е. Кривохатко, О. Т. Котенева, М. Б. Кусумов, Ф. И. Лаштова, Н. А. Масленникова, Т. А. Моисеева, М. С. Манукян, В. С. Мусинский, А. С. Петров, П. И. Пумпур, С. К. Тимошенко, А. А. Хорава, М. Ф. Шкирятов, К. Н. Шерозин, М. Т. Якубов.

Тянь лангс Национальностень Советть внеочередной Нилеце Сессиянц колмоце заседанинц сьолговсь.

Союзонь Советть и Национальностень Советть 1939 кизонь августь 31-це шистонза марстонь заседанинц колга информационной сообщения

Августь 31-це шистонза, 7 частста 30 минутаста илять, СССР-нь Верховнай Советть заседанинц залсонза, Кремляса, ульсь Союзонь Советть и Национальностень Советть колмоце марстонь заседанинц.

Председательствондай—Союзонь Советть председателец депутатъ А. А. Андреев.

Шинь порядкаса—Советский Союзть и Германиять йоткса ненападениянц колга договорть ратификация.

Тя кизефксть коряс тись сооб-

щения васьфтьф ламос моли овацияса СССР-нь Народнай Комиссаронь Советть председателец и Иностраннай Тевонь Народнай Комиссарсь В. М. Молотов ялгасть.

Молотов ялгать выступлениянц аделамда меле депутатъ А. С. Щербаков максси предложения. СССР-нь правительствать внешняя политиканц исчерпающей янностенц и последовательностенц лангс ваномок—СССР-нь Народнай Комиссаронь Советть председателец и Иностраннай Тевонь Народнай Комиссарть Мо-

лотов ялгать сообщениянц коряс прениянц аф пансемс. СССР-нь Верховнай Советсь единогласна примсесь тя предложения.

Тяда меле депутатъ Щербаковть предложениянц коряс СССР-нь Верховнай Советсь, Палататнень эзга раздельнай голосованияса, единогласна примси тяфтама постановления:

„Советский Социалистический Республикань Союзть Верховнай Советоц, кулхондомок СССР-нь Народнай Комиссаронь Советть председателец и Иностраннай Тевонь Народнай Комиссарть Вя-

чеслав Михайлович Молотов ялгать сообщениянц Советский Союзть и Германиять йоткса ненападениянц колга договорть ратификациянц колга, постановляеть

1. Одобрить правительствать внешний политиканц.

2. Ратифицировать Советский Социалистический Республикань Союзть и Германиять йоткса ненападениянц колга договорть, конанц кемокстаф Москуса 1939 кизонь августь 23-це шистонза“.

Тянь мархта Союзонь Советть и Национальностень Советть колмоце марстонь заседанинцна сьолговдови.

МНР-нь приграничной полосаса японо-манчжурской войскактнень ляткссон машфтомасна

МНР-са монголо-советский войскактнень штабсон сообщениянц коряс, августь 5-це шистонза сявомок 17-це шинц самс Халхын Гол ляйтть эзда восток ширден районца монголо-советский и японо-манчжурской войскактнень йоткса улэндсть разведывательнай аф оцю группань стыкчат. Тя пинить йотамс японский авиациясь несколькоксть тяряфнесь ядемс МНР-ть территориясонза, но ня тяряфнеманзон отражал монголо-советский авиациясь. Воздушная бойхнень эса, конат улэндсть японский авиациять налетонзон отражандамста, монголо-советский авиациясь августь 5-це шистонза сявомок 17-це шинц самс пингста прафтсь 31 японский самолет. Монголо-советский авиациясь юмафтсь 7 самолетт.

Августь 17-це шистонза японо-манчжурской войскактне, пуроптомок од вийхть, Халхын Гол ляйтть восточной беряксонза, 6 километра тя ляйтть эзда, атаковандазь монголо-советский войскактнень позициясон, йорамок занямс лама важная господствующай высотат.

Августь 17, 18 и 19 це шинзон пингста монголо-советский войскактне отбили японо-манчжурской войскактнень сембе атаксон и йордазь синь исходнай позициясон, коса савсь теист йотамс оборонас.

Августь 20-це шистонза монголо-советский войскактне, монголо-советский авиациять лезксонц вельде, ушедсть наступления Халхын Гол ляйтть эзда восток шири марнек линиять эзга. Августь 21—28-це шинзон пингста японо-манчжурской войскактне, конатнень кружазь монголо-советский войскактне, кафцке флангста, кандомок оцю юмафкст ломанень составост и материальной частьост, ульсть машффт.

Одук наступленияс йотамаса японо-манчжуронь аф оцю частьтнень тяряфнемасон отбили монголо-советский войскактне.

Августь 28-це шистонза 29-це шинц карша веть японо-манчжур-

ский войскактнень ляткссна ульсть машффт МНР-ть территориясонза и монголо-советский войскактне цебарьста кемокставсть МНР-ть государственной границать кувалма рубежса.

Монголо-советский войскактнень шири добровольная йотасть 294 манчжур оружиеянек, во главе манчжурской войскактнень 1-це смешанной бригадань 14-це пехотной полконь офицерхнень мархта.

Японо-манчжурской частьтнень машфтомост советско-монгольский частьтне фатясть: орудияда 155 миллиметровайда—5, 150 миллиметровайда—7, 105 миллиметровайда—12, 122 миллиметровайда—3, 75 миллиметровайда—50, 37 миллиметровайда—67, сембоц 144 орудия; станковой пулеметта—67, ручной пулеметта—98, минометта—36, винтовкада—9 тьожатть, снартта разная калибрань—12 тьожань, танкада—8, бронемашинада—8, тракторда—14, грузовой машинада—68, легковойда—19.

Японский авиациясь, йорамок максомс лезкс атаковандаф наземной войскактненьди, врьгятнесь бойс крупной соединенияса. Лама воздушной бойхнень эса, конат ульсть августь 20-це шистонза сявомок 27-це шинц самс, монголо-советский авиациясь прафтсь 164 японский самолет, синь эздост истребительда 123, бомбардировщикта—36 и 5 многоместной штабной самолетт. Монголо-советский авиациясь юмафтсь тяконь шовор 16 самолет.

Сяда башка, августь 28-це шистонза монголо советский авиациясь прафтсь 11 японский самолет, монголо-советский авиациять юмафксонза ашельхть. Августь 29-це шистонза прафтф японский 8 самолетт, монголо-советский авиациясь юмафтсь фья самолет и августь 30-це шистонза прафтф 21 японский самолет, монголо-советский авиациясь юмафтсь тяса фья самолет.

(ТАСС).

Счетоводть

обязательстванза

Од рузонь-Пашад велень „Од веле“ колхозть счетоводоц Агакин ялгасть сянь инкса, штоба цебарьста ладямс колхозса счетнай тевть, сясь эсь лангозонза обязательства.

Сон макссь вал—кемокстамс финансовой дисциплинасть; эрь ковня проверендакшнемс расчетнай операциянень, аф нолнемс дебиторский задолжность; машфтомс эльбятьксенень и аф сатыксенень трудошинь учета. Занимадондакшнемс самостоятельна, штоба цебарьста тонадомс счетоводствань тевть.

Анаев.

Пурдошанский район.

Книгатне ащихть

складса

Атюрьевань райцентраса торгующей организациянц аф шарфнихть сатомшка мяль художественной литературанень книгань, мишендемать шири. Сянь инкса, штоба ученикнень обеспечендамс од кизоти эрвикс художественной литературыса, книгатнень кирнесазь райпотребсоюзонь складса. Складса кирневихть лама книга мокшень кяльса.

Райцентраса тя пингс нльне аш книжной магазинга.

Фролов.

Русский народь легендарной героин



В. И. ЧАПАЕВ.

Мор комдивть колга

Тага марса живолготкшни
Мезе йотафтф ульсь.
Арды бойс герой Чапаевсь,
Мельганза кшти пульсь.

Горнай вармс савор лии,
Ляйсь волнат нюрятсь.
Якстерь полконь батареясь
Шири тусь, имафтсь.

Вов исатнень йоткс колоннась
Келемсь, дозорхт лихтсь,
А дивизионт вятиец —
Ластя сонць комдивсь.

Туцять фталда ковнясь курь-
кстозь

Лиссь, меки имась.
Нолси ордашкатф утеснень
Кяжияфтф волнась.

Петькась матсь и метка пулят
Кучсесь вракнень куркс,
Ранендаф Чапаев уи
Берягу ляйт туркс.

Кирьдемс пулятнень аделамс,
Сяльде—штыкнень тевс!
Лядезь Петька—орденарець
Пулятне ляйт тейс.

Сембе конат касондсть бойса.
Йотнихть строень—строй.
И мон эрь боеца няян
Танга од герой.

Народнай мор,
рузонь кяльста мокшекс йотафтозе
Ф. Дурнов

ЧАПАЕВСКАЯ

Аф орельс лефксонзон лихнесь
Лиема ичкозден крайс,
Приуральский степнень эзга
Эсь отрядонц вятсь Чапайсь.

Ласьксь вирьгазонь кяжи стаясь
Келес урокодсь, урафтсь,
Но герой Чапайсь отрядонц
Пси бойс куроқта сырхкафтсь.

И панць, панць Чапай вирьгас-
нень
И синь лефксон псита панць.
Сонць Колчаксь Чапаевть эзда
Ворьгодсь—фталу афи ванць.

Вов вирьгаст Лбищать фтала
Юргихть, кранчт менельге
срадсть.
Фталонза сонь пулят вяжкихть,
Вирьгаз лефкснень куломс
матсть.

Аф орел лефксонзон лихнесь
Лиема ичкозден крайс.
Приуральский степнень эзга
Эсь отрядонц вятсь Чапайсь.

Народнай мор, сьорматф
Оренбургский областень, Гра-
чевский районь Калинкино
веленяса. Рузонь кяльста мок-
шекс йотафтозе Ф. Дурнов.

В. И. ЧАПАЕВ

Василий Иванович Чапаев лувондовсь сят геройнень-самородкатнень лувкс, конатнень беззаветнай храбростьна революцияти преданностьна и природнай военной талантсна кадсь слава и вечнай память народса. Якстерь Армиять рядса тяфтама выдающей командирхнень—народть цборанзон, кода Чапаевть, улемасна, ульсь сонь сяськомань предпосылканзон эзда фкя предпосылкакс. Тянка Чапаевть лемоц сембе пингс сьорматф историяв, тя лемть мархта аф аерфаевиста сотф минь представленияньке гражданский войнать замечательнай победанзон колга и пролетариатть военной искусстванц колга.

Чапаев, Якстерь Армиянь дивизияти командиркс арамдонза инголе, йотась оцю и суровой военной школа. Царский армияв рядовой солдаток примамдонза меле Василий Ивановичсь сембе империалистический войнать йотафтозе фронтса, окопса. Смерть ужальтькшнезе беззаветна храброй солдатть, конац эсь волясонза кунцесь сембода стака поручениятненьди, конац сидеста якась смелай разведкатненьди и фалу удачнайста мянендсь стака положениятнень эзда.

Чапаевть кой-коста лувондсаз ломанькс, конац афоль макссе особай значения „ученостти“ и предпосылка боевой практикать. Тя аф виде. Мзярда 1918 кизоня, Чапаев эста ни дивизиянь прославленной начальникс, ульсь васенце слушательхнень йоткса примаф Москва Генеральной Штабть Академиясь, сон тонафнемати кярьмодсь сембе серьезность мархта, сонь пяк ошоволь мялец содама шити.

Однако тонафнемс ламос ашезь сав. 1919 кизонь февральста ни, мзярда Восточнай фронтса ушедсть пуромкшнема Колчаконь аноклакшневи наступлениянь туцятне, В. И. Чапаев тусь меки войскатненьди, боевой обстановкас.

Самай и 1919 кизонь февральста Восточнай фронту мрдама пингстонза ушеткшни В. И. Чапаевонь кода 25 славнай дивизиять начальникоц боевой кинц сембода блестящай пяльксонц, мезенкса тя пингс тя дивизиясь и каннесь сонь лемонц.

25 дивизияв В. И. Чапаевть пражсезе Михаил Васильевич Фрунзе, конац эста командовандась 4-це армиять лангса. Выдающей пролетарский полководецть оржа сельме ванфоц видеста оцнил Чапаевть замечательнай кацестванзон.

Чапаев ульсь воспитандаф гражданский войнать маневренной традициянзон эса. Сон келиста при-

меняндакшнезень обходонь и сялонга пяк охватонь маневратнень, аф шуроста виень пялькс мархта потнесь неприятельть инголе сянь инкса, штоба главнай вийхнень мархта вачкодемс флангста.

Тянь коряс пяк характернай 25 дивизиять 73 бригаданц Боровка ляйт лангса, Бузулукть эзда сяда север ширеса, 1919 кизонь апрельста действиянь примероц. Фрунзе ялгась тя бригадатель лангс путсь задача прикрыть Восточнай фронтть ударнай группанц сборонь райононц, кона фронтсь должен ульсь тиес фланговой удар колчаковский армиять лангс, конац эцесь Волгати. Ударнай группать сбороц нинге ламода ашель аделаф, мзярда Бузулукти кармась гразяма белайхнень марнек 11 уральский дивизиясна.

Чапаевть боевой творчествац ашезь сода шаблотт. Ся пингоня Якстерь дивизиятнень походнай движелаясна обычна тиендевьт бригаднай колоннава*). Но мзярда 1919 кизонь майста 25 дивизиясь мольсь Бугульмати и Чапаевонди содафоль ни белайхнень каршек модемасна, сон дивизияти строясь маршевай порядок кели фронт лангса, максомс бригадатненьди приказ модемс полковой колоннава. Тянь вельде белогвардеецне куроц ульсь фатяфт якстерь полкнень оцю вийсон мархта и синь частьна кирдсть поражения. Ня бойхнень эса ульсь марнек тапафт белайн кафта дивизият.

Вов тяфтама оценка Чапаев ялгать дивизиянц действиянзонды максть М.В. Фрунзе и В.В. Куйбышев соседней Туркестанский армиять боецонзонды телеграмма-сост:

„...Бугульмать эзда восток ширивию ударнай группань пурупты противниксь тя ковть 9-10 шиста йотась контрнаступлениясь, эдемок 25 дивизиять лангс. Кафта шинь пингонь кровопролитнай бойхнень результатса врагсь тапафт марнек. Ижевский бридась и 4-це Уфимский дивизиясь машфтфт. Кафта шиста минь сявоме 2.000 лама пленнай, колма орудият, лама пулемет и лия оружия. Тапафт врагть лятсонза йорасазь ванфтомс пряснон восток шири кенордазь отступленияснон мархта“...**)

Колчакть мархта тюремась 25 дивизияти аделавсь победоноснай уфимский операциякс, конатнень эса чапаевский полкнень мельге

*) Гражданский войнать пингста РККА-ть дивизиянц ульсь колма пехотнай бригаданца, кажнайть эса колмонь полк.

***) Южной группать (Туркестанский армиять) войсканзон эзга приказть эзда выдержка. Якстерь Армиять Центральной Архивоц.

лувондовсь главнай и решающей рольсь. Тяса В. И. Чапаев нилге весть няфтезень эсь полководческий талантонц характернай чертанзон: смелостенц, инициативанц и необычайнай упорстванц.

Уфимский районть сатоманц инкса 25 дивизиясь, Уфать эзда сяда северо-запад ширеса 1919 кизонь июнь 8-це шинь карша веть йотазе Белай ляйт. Сатфкс мархта йотафтомок передовой частьтнень апак учент вень переправаснон и фатимок Белай ляйт види берягстонза плацдармть, чапаевецне повсть пяк стака положения: ляйт туркс йотай частьтнень лангс кармась сама белайхнень свежай резерва-сна —капелевский кафта дивизиясь модемс, а синь авиациясна тапазе переправатнень нормальной работаснон.

Поражениясь, мярьголеть ба, учсезень эсь минутанзон. И тясонга решающей рольть кирдесе М. В. Фрунзень и В. И. Чапаевонь личный примерсна, конат фкакс ульсь боецнень йоткса и непосредственна руководили бойть мархта. Белайхнень самолетста пуляса пряс ранендаф Чапаевсь лядс стройс.

Командирть В. И. Чапаевть мужествац, выдержкац и смелостец, конатнень поддержали сонь сембе боецонза, сяскясь. Июньть 9-це шистонза илядьти Уфась сембе пингс арась советскийкс.

Чапаевонь фкакс мялець улемс марса эсь войсканзон мархта а аф эрьсемс штабса. Сонь вастсонза вообще вестенге аф сатакс; фалу движелаясна, фалу фронтть маласа, сон эвондакшнесь обычна тоса, коса ушеткшневьт решающей бойхть. Тядонга аф кальдявста сон маштсь кирдемс отличнай соткс эсь штабонц мархта. Сон макссесь оцю значения разведкати и маштсь макссемс оценка разведкати сатф даннайзонды. Мзярда 1919 кизонь апрельста чапаевский дивизиясь фатязень важнейшай документтнень—белайн Уральский дивизиять оперативнай приказонзон, конат штафнезь врагть группировканц и намерениянзон, В. И. Чапаев курокоц пингста и лична прямой провод вельде пачфтезень синь М. В. Фрунзети. Ня сведениятне кирдсть решающей роль контрударонь планть окончательнай выработкасонза.

Чапаевонь, кода командиронь, инь цебарь чертанза сувафтфт Якстерь Армиять команднай составонц од поколениязонза. РККА-нь сядот тьожить командирхт по чапаевски действовали Хасан эрхкхть видеса бойхнень эса, правительствать специальнай заданиянзон пшкodemаснон пингста минь родинаньконь обороннай мощенц кемокстамонц эса, сонь граничанзон ваномаснон пингста. Смел шись, решительность, инициативность, массатненьди малодомась, военной мыслянь широтась—сембе ня чапаевский качестватне присущайхть и РККА-нь тяниень пингонь командирти.

Чапаевть колга памятьсь кеме народть эса. Сонь колганза латцефт аф азомшка лама легендат и морхт. Тейнза посвященнайхть советский литературань и искусствань выдающей произведений. „Чапаевок“ налксихть итне.

Чапаевть эряфоц—пяк цебарь, живой иллюстрация Ворошилов ялгать валонзонды сянь колга, што русский народсь машты аф аныцек воявама, но и кельгы воявамс. Народсь, конац машты и анок тюремсь эсь независимостенц и паванзонц инкса, может шафтомс Чапаефт.



Чапаевсь бойса.

Чапаевть образцоу искусстваа

Чапаевть славнай тевонза зряйт-хть легендатнень и сказаниятнень, поэматнень и морхнень эса, конатнень арьсезень народсь. Чапаевти посвященной искусствань аф кржа самай разнообразнай произведенийят.

Тя пингс оцю интерес мархта лувондови и оду печатлакшневи Дмитрий Фурмановть „Чапаев“ произведенияц. Сельмотнень инголе эвондакшни образцоу чудеснай ломантть и ялгать, конац нефтема кельгсы эсь народонц, талантливый начальникоу, отважной боевой командиронь образ, конац аф содаф страх.

Козя материалсь, конац кочкаф Фурмановть книгагонза, арась основак искусствань лама произведенийянди, конат посвященнойхть Чапаевти. Тяста лиссь Чапаевть колга пьесаць. Тя жа повестьсь шачфтсь мяль „Чапаев“ фильмаць колга, конань кунара ни путозь С. и Г. Васильефне. Тейст удалась создать искусствань великолепнай произведения, конац тя пингс ащи гордостек советский киноагиографияи, триумфальной успех мархта мольсь фильмаць сембе минь необъятной странаньконь эзга и ичкозе сонь пределонзон эса. Западной Европань странатнень эса, Американь Соединенной Штатнень эса, Востокса—Китайский республикаса, Монгольский Народнай Республикаса и стак тов. Миллиотт советский од ломатть ванозь волнения мархта „Чапаев“ фильмаць, и эрь ваньсь крхкаста переживал событиятнень, конат мольсть экранца. Эсь народоньконди кельюмась, сонь победанцы, огромнай волянтцы верась, — вов мезе марьясь мяштьсонза ваньсь няекок „Чапаев“ фильмаць.

Чапаевсь, бесстрашной боец, конац ламоксть рисковал эсь эряфонц мархта бойса, пяк кельгозе эряфть. И зрительсь, ваномок фильмаць, конац аделава, кода содаф, Чапаевть трагический гибеленц мархта, аф йорай мирендамс тя нелепай куломат мархта. Азонкшнесазь, што фяк цьоранять, конац ламоксть якась „Чапаев“ фильмаць ваномо, кизефтезь, мезенкса сон тянь тиендсь. Цьораньясь отвечась: „Мон фалу учан, пади Чапаевсь туй уезь? И тя ответсь минь аф дивандафтсамазь: пяк оцю жизнеутверждающей виць тя образть.

Лама сказка и легенда арьсезь народсь Чапаевть колга. Кой-конатне синь эздост яркайста няфнесазь геройть ся чертанзон, конат сембода маласа ашихть советский ломаттненьди. Пяк содержательнай, кепотьксонди. „Смерть Чапаева“ сказкась, конац сьорматф Матвей Михайлович Корбуев колхозникть валонзон коряс Карельский АССР-нь, Лухский районь, „Красный рыбак“ колхозса. Сказкась азонды сянь колга, што Чапаевсь, тумок войнав, эсь аканц эзда получась аф обыкновеннай суркс. Азондыть валонзон коряс акац мярьгсь Чапаевти:

„Кулхдонт племяник, Максан мон тейть суркс. Тя суркссь тейне илядсь мирдезень эзда. Кандозе сон сурксть турецкий войнаста. И тя сурксть эса стама волшебнай вий, што кодамовок пулянди тон аф сявоват, кодамовок сабянди тон аф кяроват. А лездема суркссь кармай анычек коське вастса, а ведьса ни виць сонь лафчеми, — тянь цебарьста мяляфтк“.

Тя сказкаць мархта народсь няфтезе Чапаевть замечательнай чертанзон эзда фякть—сонь бесстрашьянц и куломати пренебрежениянц эсь родинанц лемонц

инкса. Оцю кельгома мархта азонкшневи сказкаса сянь колга, кода Чапаев арась якстерь командиркс, кода мужественна тюрсь вракнень каршес: „И маладсь куроу вяры бой. Комотсь эста Чапаев алашанц лангс и неприятельть лангс вьргятсь. Кармась сон шавома, кода тишень лядеме, колчаковецнень и деникинецнень, кода част апац лотксек шавсь и сабяса кярьсесь, и копияса сягондсь, наганца ляцентсь. И сембе паксясь ульсь видеф теласа. Колчаксь ашезь кирде и воргодсь эсь илядыкс войсканц мархта сядя ичкози“.

Могучайкс, пцтай былиннай богатырькс рисовандакшневы эсь творчествосонза народсь Чапаевть, сувафнемок сонь эзонза, эсь шарьхкодемандь народной геройть колга, Рабоче-Крестьянский армиянь воинть колга. Грустьса, оцю кельгома пшкотьфт сказкаць песта валхне Чапаевть куломанц колга.

„Тусь славац Василий Иванович Чапаевть. Почитают сонь сембе мастороньконь эса.“

Аф кржа мор морсеви странать эзга Чапаевть колга. Финцнень синь эздост сьормадозь поэтне и композиторхне, народсь арьсезень омбонцнень.

СССР-нь народной артистсь А. В. Александровскийсь обработал мор, конац сьорматф чапаевский похоттнень эса участвовать орденонсецть Попова Марусьять валонзон коряс:

Уралга гуляндась Чапаев геройсь,
И соколкс сон лийфнезень полковзон бойс.
Тинь инголи, ялгат, и йордасть тинь пельксть,
Чапаевецне маштыхть кулсема смелкс!

И тясовок, кода и сказкаса, кона азонкшневи Карелияса, Чапаевть тьяса основной чертац—бесстрашьясь, смелость, победати верась. Тяфтамкс эряй и фалу кармай эряма Чапаевсь эсь соотечественниконзон седисост. Чапаевть колга седи вакстонь мортть, конань эса няфтьф народть ризфоц Чапаевть куломанц колга, морсесы Саратовский областень, Ново-Узенский районь Буденнайть лемса колхознай хорсь:

Кайгихть выстрелхт, ардыхть лишмот,

Веле песа няйви тол.
Кие воргоди врагть эзда?
Мес Чапайсь аш? Ков тусь сон?
Арьсезь тевсон кяжи вракне,
Нолдасть казакт, кяжса валфт.
Кие тоса акша палясь
Уи эганза Уралть?
Ульхть жа сюдуф, равжа варси,
Паксяв кула врагти архт.
Оцю горя мяштьсон карай—
Вайй, вайй минь Чапайсь.

Тя мортть лаца сьорматф потэть-орденонсецть Алексей Сурковть стихонза:

Равжа вярса Белай ляйти
Моли китне палыхть толкс.
Сонць Чапайсь инголи вяти
Якстерь кеме полкт.
Акша вирьгу степкса юрги.
Кяшени лоткс-латкс.
Казакт эчихть, воронь стадакс.
Лбищенкс городть лангс.
Уромсь врагонь свора-стада,
Шовда кяжи весь.
Кяшезе Чапайть волнаса
Мутнай, равжа ведсь.

Интереснай сказка „Жив Чапаев“! сьорматф Куйбышевский областень, Куриловка велень Анастасия Ивановна Филонова колхозницаць валонзон коряс. Сказкась лямбста и седи вакса рисовандакшневы Чапаевть образонц аф

кода анычек боевой командиронь, но и кода ломанень:

„И срадсть паксява, лийкстасть чапаевецне. А Чапаев шарксты фталу и максы бодрость:

Смелста! Морамс!..

Моразевсть—кельгозень морхнень Чапаев,—и эстакиге, мярьгат, вийнза прибавасть кажнайть. Тяфта мор мархта и вьргятсь генеральскийхнень лангс. Эводсть эстакиге, конат ваныхть: коста тяфтам войскась лиссь?... Ся шиста сьавомок сембе генералхне содазь, кие стамсь Чапаевсь. Кда мор мархта молихть бойс и инголе командир,— нят и самай чапаевецне. А сембода смелайсь—Чапаевсь. И простой, кода боец—якстерьармеец: бой аш—сон морай сембонь мархта и танцт кшти, а удома мады—тожа сембонь мархта. Смелостенц, простойшинц инкса и кельгозь сонь боецневок, обидас кинге аф макссы, ащи модать и свободать инкса. Мярьги анычек, бывала, Чапаев;—

— Вов войнать аделасаськ, коллективна карматама эряма. А снырс, цьоранят, воявамс эряви, тварьда перф-пяльге лама шачсь.

И мяльсна ломаттнень; правда командирсь корхтай“.

Тя сказкаць песонза яснайста азф народть желанияц няемс Чапаевть живоиста. Оцю мяльса корхтай сказкань азондысь, кода идезе Чапаевть сонь ординарецц Петькась, йотафтозе эсь лангонза ляйть туркс и пчкафтозень рананзон: кодак пчкась Чапаевсь и прозвищанца полафтозе—„аф Чапаев кармась лемневома, а кода-бди лиякс... И тянинге ломаттне корхнихть, живой Чапаев, оцю начальникокс арась,—справедливый тяфтама, добрай“.

Мекольдень пингть созданай искусствань лама од произведенийят, конат посвященнойхть Чапаевти. Оцю интерес кирди од композиторть Мокроусов Бористь „Чапаев“ операц. Главнай действующай лицаць ашихть Чапаев и сонь сподвижниконза—Фурманов, орденонсецть Петькась, пулеметчицаць Анкась. Событиятне, конат арась основак операть сюжетонцы, сьавфть 1919 кизоста, мзярда Чапаевть дивизияц аф ичкозе Уралть эзда наступал белайхнень лангс. Операть тяштемстонза композиторсь использовандась народ-

най моронь творчествоват. Од музыкальной произведениясь суваффт К. С. Станиславскийть лемса государственной опернай театрать репертуарнай планозонза.

Чапаевти посвященной и изобразительнай искусствань лама произведенийятка. Сонь образцоу няфтьф живописса и скульптураса. Ламонди содаф П. Васильев художникть „Чапаев“ картинац. Тя тиёмати лама изящнай— композиция тийсть мастерхне Палеха, Мстеры и лият. Яркая картина „Чапаев бойса“ сьормалсь Удмуртский АССР-ста художниксь-самоучкась С. Богаткин. Вишкста арды Чапаев алашанц лангса. Клинокоц кярыс воздухть, Вармась либорьфтьс бурканц. И, командирть эзда аф иляткшнень, ардыхть ластятне, конат анокт вьргятемс вракнень йоткс. Тя картинась ульсь няфтьф самодеятельнай изоисствань Всесоюзной вассенце выставкаса, конац посвященнойль Октябрть XX кизонзонды и получазе омбоце премиять.

Выразительнай скульптурнай группа „Чапаев тачанкаса“ тийсть шуфтста Московский областень, Загорский районь, Богородский велень Майть Васенце шинц лемса артельть видеа профшколань тонафнихне. Колма лихой лишмот артфтсазь тачанкаць. Озамать лангса—пулеметнай лентаса каркстаф боец. Композицияць кучкасонза—Чапаев. Сон ваны инголи, тоза кода тачанкась должен сатомс вьрагть.

Аф кунара скульпторхне Д. П. Шварц и И. С. Ефимов тийсть Чапаевти памятниконь интереснай проект Алма-Атаса. Миллиотт ломатть нийсаясь од скульптурать, конац посвященной Чапаевти. Тя—од скульпторть Баландинть работанц огромнай монументоу, конац ащи Поволжьять павильононц прясса Всесоюзной вельхозяйственной выставкаса. Скульпторсь изобразил Чапаевть ножнаста таргаф шашка мархта вишкста арды скакун лавгса.

Искусствань произведенийятне, конат няфнесазь Чапаевть образонц, ванфтсазь поколениятненьди замечательнай ломанть, советский народть достойнай цьоранц, подлиннай народной геройть образонц.

Ан. Толин.

Мокшекс йотафтозе А. Чекашкин.

Анокламс тракторнай паркть сельскохозяйственной од кизоти

Эсь пингстонза сельскохозяйственной машинатнень ремонтсон йотафтомасна арси инь цебарь залогок од успехненьди. Передовой МТС-нь практикаса няфтезь, што решающей условиякс арси ремонтнай кампаниять успешнайста йотафтомац, рабочай вийнь анокламась, машинань частень простой инструментонь анокламась, мастерскойхнень ремонтсон эсь пингтост йотафтомасна.

Ремонтнай кампаниять пингста и сонь йотафтоманцы анокламста эряви вишкотеми Сталинский Колмоце Пятилеткаты лемса социалистический соревнованиять.

1938—1939 кизотнень ремонтнай кампаниятнень йотафтомасон пингста социалистический соревнованиять вельде Ромодановский, Атяшевский, Кочкуровский, Торбеевский МТС-тне лиссь республикаса васенце ряттненьди.

Обсуждандамок 1939—40 кизонди ремонтнай кампаниять колга кизефксть, Рузаевский МТС-нь рабочайхне, специалистне и хозяй-

ственникне сьавсть эсь лангзост обязательства: аделамс мастерскойть ремонтонц и сембе мантажнай работатнень сентябрь аф 20 шистонза поздна; максимальна использовандамс стройматериалхнень, аделамс станкооборудованиянь ремонтть сентябрь аф васень десятидневкадонза поздна; организовандамс приспособлениянь инструментонь ремонтть, а станя жа анокламс простой инструментт произвольвань отхотнень максимальной использованиясь вельде станя, штоба аделамс ремонтть и приспособлениянь инструментонь анокламать сатомшка качестваса сентябрь аф 15 шидонза поздна. Аделамс моторонь ремонтть августь 25 шинцы самс, аделамс общежитияса и якстерь уголокса ремонтть сентябрь васенце шинцы.

Сьавф обязательстванень коряс Рузаевский МТС-нь рабочайхне, специалистне и хозяйственникне тердезь социалистический соревнованиясь Торбеевский МТС-ть.

Смородинова.

Ответ. редакторсь Н. ТИШКИН.